

全上古三代秦漢
梁

第十八
函十冊

全梁文卷三十六

烏程嚴可均校輯

江淹

四

建平王讓右將軍荊州刺史表

茂寵乃臨炫奪彝典巡恩鏡飾攬情震慮臣聞該秩詔序匪賢莫能孚其職端維裂陝非功無或濫其選所以輪鞅國典締結民紐五威咸平四精或訓者也臣踐行遠方試業敝緒徒以綴采宗琴承渥帝席執圭戴筆函荷出內至乃曳組河縣蔑馴羽之化鳴環京轂謝批鱗之政聲績兩無風化雙缺而龜紐未剔璽書頻降復改冊湘區分瑞衡服竟無賈琮交部之廉終乏郭伋并壤之信固以雜沓民明湫隘身諷不悟皇靈再輝河海重渥遂踰恆采安賁異等荆門務要方城任積水交沅澧山通岷峨襟帶百縣縈抱七州上德懋勳匙居斯地靈臣膠固所宜膺荷是以樵薄魂色驚迫

心影謹刷睿情置露弱志伏願陛下停旒弛珎暫炤瑣曲則鑄才
式弘練物惟遠王度既清蒙識以泰不勝慙懔屏營之情本集

建平王慶明帝疾和禮上表

臣聞慶動至立則昌衢敦序教孚上雲則紫寓交泰故祈寒溽暑
無以變其和沴火凝陰不能徙其氣伏惟陛下至德遐穆實天縱
聖仁鑄蒼岳道括寰海故丹陵之君款金泥而謝賢嫺墟之后眷
龍圖而慚德頌聲蔽遠歌思弔道而望景暫虧輪光少暖玉璽違
和金幌輟念百祠未遑四嶽匪處吉蠲爲慶神御方休瑞廣文齡
祚深武日具爲涵教倡愉兼薦臣班戚奉慈實自慶舞不勝悅豫
之情本集

建平王慶安城王拜封表

麗采繩河映萼璿圃漱問夙孚令儀早晰撰告候辰昭膺耀序國
維富體皇塗凝衛具生屬慶懷識戴躍臣涵悅楚邊魂馳關闕不

任不情

本集

建平王之南徐州刺史辭闕表

臣間承寵靈閔默假日徒抱皇慈無充橫草而品第乃崇軒服逾峻顧茲覲躬彌覲荒昧今便奉官外旬卷迹徐山託慕宸嚴載維感戀哀疾不獲詣闕不任窮鯁之情

本集

蕭驃騎讓封第二表

藝文類聚作爲齊高帝讓司空表

臣某言寫瀝愚丹已續前表猥降前詔未垂鏡恕一省驚慙再悸魂府靜躬自察啟居匪地臣聞日薄星迴昊天無以爽其節山盈川冲厚地不能虧其度豈不靈鑄言限神極無失況世道恆淪人彝剽奪數滿必治虛飾小故亂大臣才非右賢任鈞左戚祚開山河兼金疊組爵侈常班寵溢前達以榮以渥且慙且覲雖嘉銘鼎之恭更懼循牆之速矧乃三司業貴上將地崇總錄務廣河汾寄深珪寓方啟劍衛增肅既驚朝野足震城邑殷周富士猶難其人

漢魏多才亦罕兼職且麟閣之臣尙有位不及鉉全器之侯猶或
任不竝台名爵無假前世之雄規車旗勿濫中葉之英軌況鴻誥
鬱集懋冊頓萃諒非虛薄輕所膺符今殷夏旣聲封國式固故天
地燁耀日月更輝陛下停若鏡之明流如雲之愛藝文類聚作暖方求士
於版巖宜思賢於屠肆而私臣以闡廟寵臣以帷鼎位兼文武職
總內外非所以發夢渭濱儲精河上鐫金刻石旣不可詮輿歌里
誦其謂臣何仰緣大道方行蒼祇宅氣威靈所燭九功咸詠寧於
庸臣獨隔恩耀誓守愚衷重扣雲日如蒙恩宥實生之幸不任慊
款之至本集藝文類聚四十七

第三表

臣某言臣再抽慊請辭僞理屈側守圭漏伏望衷鑑而宸緯嚴祕
愭悰徒懸優獎之降非復常旨肅奉驚懷曠曉如失臣炤冊訪古
誦史稽昔以爲敷道之寄管物成務總錄之重匡績毗風莫不下

協河岳上踵光緯先王所以長世後睿所以字氓纘金圖之要輔
樞祿之機者也臣本瑣姿不慕聞達昔值英世頻邁時來感激光
私未能自返烏可超乘厚任妄據高圖天道旣平鬼神好謙臣亦
何人而獨斯處所以不恤色忤頻犯鴻威者正以方圓之景已滿
丹彩之色難加政能緯俗匪務傍職坐而變道必在其人若臣武
未屬橐鞬之分文不藹樽俎之間德非時秀道乖物宗虛飾疲伍
空貽上位則天變彰於飛流地眚見于震壓驚蕩民聽蕪沮物議
綸言之出不追金石之謬已遠豈唯敗錦傷經毀鼎覆餗而已哉
自非西京上績東都名勳河右羣賢江左諸彥寧有誣叨天爵以
爲己功者也昔南楚偏君鄢郢小政執珪柱國尙不輕授況車軌
共文四溟同宅而以鄙蔽超居金鉉殊任鬱起臣心憂魄悚視丹
如綠伏願陛下暫停冕纁少察愚賢鑒臣覲情愍臣孤志廣天下
之惠可匹夫之諒則國步永清陛下永無謬悞不任憂駭之情

本集

蕭驃騎錄尙書事到省表

臣某言臣自矣蒙異寵輕荷殊爵晝昃獨簪夜艾方驚誠以設器
瑤陛取監冲滿懸魄金波徵驗虧闕茲乃天數去盈人經好退后
所以裁成萬品下所以各慎百司未有違才易貫克負永業者也
且量力之誥實炯前書辭科之誨且昭昔牒況臣徒竭弱質忠貞
未對猶叨今恩山岳非重故暫屬交喪頻煩表疏必謂巡崖之慊
不忽氣亮之請可期不悟皇明神邈鴻獎彌深雖守丹愚競絕蠲
恕今輒耀纓上序鏘珮中軒德輕施重左右生譁志盡輸謝終愧
報效不任下情

本集

蕭驃騎謝甲仗入殿表

臣某言臣卽日被敕賜給甲仗五十人入禁儀武殿飾冠疇典局
此盛恩五情銘載臣聞國之利器在祀與戎蘭錡之設實允儲方
故官騎宸居羽林天部瞰城龍塞言伏鬼方臣股肱之力不足以

染丹青橫草之勤寧可以鏤金石而魚服象弭一旦虛授誕錫金珪方茲爲絢黃河如帶比今非賞故異寵之襲心魄共驚不世之服蒼祇同輝雖攀靈河漢駿奔明哲慙迹駭衷無情以處

本集

蕭驃騎讓豫司二州表

臣某言臣傾心駐氣不蒙睿感憂讐交鏡中寐再驚臣聞國脉惟耀則藩伯緝其才朝緯伊序則方牧司其度用能睿紐弗虧民教可變者也臣自少器業無聞弘大誤變燕鼎超憑吳舟託翰負組假翼要瓊質圖玄素文寫青牕爵富諸公任高羣彥銓梁旣失輻誚所湊雖仄影毗道徇身贊德朝徽不昭民聽具溢豈非性力知限鑒度有崖乘茲而處猶懼紊辱之恥況此以任何堪湧溢之賜且董督條興蓋非盛古至乃河襄初授或體兼上才江表廣任或功爲物首臣績陋於國不勤睿朝寵集若是非所克取終抱寸襟重露愚見伏願天鑄廣裁地靈厚載特垂蠲渥使不矜盈則藿質

蓬性庶無矯奪不任匪晏之情

本集

蕭驃騎上頓表

臣某言伏見明詔鑾輿便親御六師臣又謬總羣帥竊聞金火告
耀昏明代卷雲電漑湊經綸相襲所以草昧縣寓昭晰區宙況乃
逆徒阻兵器掩西服雖義眾鼠竊勢必褫散然尋仞難貸原烟易
滅臣受算內楹稜威外闡按甲視夕沾襟待旦翦此凶渠庶匪曠
旬但遂玉輅躬臨雲蹕親駕悚慨交心實百常憤今便嚴率所統
剋此月二十六日出次戎郊故已望江源以軫歎想荆山而增厲
矣進止之宜更聽敕旨不任悚企匪盜之心

本集

蕭驃騎謝被侍中慰勞表

臣某言卽日侍中祕書監臣戢至奉宣詔旨慰勞便受轂中帷練
甲外壘旂麾蔽景輿徒競氣人懷秋嚴士蓄霜斷晦魂已掩氛豎
未懸稽鉞於威寢興震慨今王人臨郊皇華降庭輝耀望實將激

威武戴鵠之夫迎光蹠恩投石之師攀炤竦惠楚續越醪方茲慙

潤臣忝屬閭私彌抱渥洽不任下情

本集

蕭驃騎慶平賊表

臣某言狂賊沈攸之棄天犯紀毀禮滅緯外陵南畿內吳西夏稟
血涵氣咸百讎憤賴皇威遐制璿圖廣馭四海競順其會如林仰
綴宗稷之靈俯輯士民之效故嚴敕裁交妖鋒折首凱期既屆飲
至在晨斯乃紫麻方永蒼氓同慶臣備符寵私時深抃舞不任踴

躍之情

本集

蕭驃騎解嚴輸黃鉞表

臣某言逆沴電熾凶妖霧舒志未禋天情已類社故乃馳羽江郊
驚燧山甸雖藏智審其黥戮涵識判其奔沮然兵扈難輕義險宜
備故膺寵無辭奉鉞不謙今元凶既殪醜徒自紊稜靄方卷郢氛
已廓樂瑄登肆禮衣曳朝不宜復假殊服取缺彝則輒上還王府

永戢祕館本

集

蕭驃騎讓太尉增封第二表

臣某言以鉉司崇貴袞位淵嚴非德非功無忝無濫故誓魂肆請
舒衷仰謁不能曲流慈炤遂乃徒洽恩獎周覽未交靈爽以懼臣
歷古沿圖循遠訪繪未嘗不麗選台衡妙簡槐采者也魯鄭之賢
戚曹蕭之勳彥吳鄧之盛功王鍾之表業孔明之居蜀茂弘之在
晉僉曰伊人是以處無懦色臣官逢昌世運漸時明頻煩紫渥綢
繆璿命身薄施厚感厲愈深遂負機繩之託猥集衡梁之任風軌
不樹徽猷罕宣無以式翦寇兆載弭姦義致虹沴阻於上京蜺妖
扇於下國實賴藩伯鞠旅戾甸入守櫓槍旬始烟祛霧卷故皇道
威稜之由神緯昭昌之效臣豈有探篋察幽之智攻城野戰之力
哉今迹無小功事貽大賞愧寤終朝慙夢流夜咨此庸弱何以任
忝伏惟淮泗猶梗趙魏未賓中原久蕪神州方翳思樂盛猷願厲

聲頌將陪雲驂以比狩扈朝服以濟師乃爲少雪庸誠微謝天眷
耳寧容遽竊茂爵輕頒鴻名者乎伏願聖渥遐覃賜以矜宥霈焉
垂仁穆然惠德血祈旦亮懷志夕滿雖蹈疵戾猶深忤躍本集
蕭驃騎讓太尉增封第三表

臣某言撰心求私精衷請亮情不感神理無動天詔飾旣降辭表
是絕朱紱方臻金鉉未宥魄慮再馳詵然改席臣局志久戰淺槩
已領具煩寸管備黷尺史曠旬浹景祈指遂宣猶謂設品分職實
以仰銓璧緯列寵縣榮故乃俯酌瑤陛迹聯盈缺道協興降上睿
所以僉舉前英所以詳能今若第隨私貴爵與私富紊蕩邦經斷
折民紀豈可還風中葉逖聽遐代者也臣才乏往賢績謝古烈妖
鋒孽火將炎天地幸郊甸或靜江山以閱文軒華劍旣榮旣峻侯
封桂食又盈又滿祿高誚厚任重責深弱節兼誠誓思不淺伏願
降慈特垂明愍臣奉國猶家慮公若私秉軸之鈞心希在治不任

全宋文卷三十六
六
懇懇之情

本集

蕭驃騎讓油幢表

臣某言奉詔賜車一乘竊以國容方穆旗章式序朝禮永清儀服
咸貫故象革鞬鑣尙炯明圖朱箱立蓋猶炤漢篆皆旌羽勿差功
庸匪濫臣忝爵山重蒙榮海深襲恩祇冊已慙初筮浮祿素位方
疚心路鑒古以惕巡世罔然不宜假文丹幘空飾皁轡仰思至道
俯恤物僭伏願聖遠特停華渥書恩上請追深累懼不任下情

本集

蕭太尉上便宜表

臣公言臣聞經邦緯治去華爲急體國治民循素乃安聖誥遺風
具騰丹冊賢言流沫備宣青史何嘗不翦削浮奢銷遺文繪然後
頌音載興澤洽式廣楚駕百馬民雜國凋秦修萬騎教亡業墜刻
桷丹楹禮有常序朱轡皁蓋古無濫秩縹衣綸綬漢置前制奇服
怪物周設常刑皆節俗約訓反樸還風肅政黎心釐一民志故禮

奢寧儉宣尼之高風以義止利孟軻之宏規若乃文彩利劍道鑒
其元彫蟲篆刻世炤其淺雖儒墨異學名法各治至於遵本捨末
其槩一也故申韓之立典管宴之制書賈陸之鴻筆嚴徐之博辭
食貨興志鹽鐵生論莫不異說而同儉乖議而共治然世淪物起
道缺事遷蓋源起西秦波被東漢一魏不變二晉未革所從來者
遠矣洎高祖武皇帝業高縣寓化格區宙菲躬謙度方追重華納
簞之勤約情撝操乃取文命卑宮之義去金錦之巧無帷帳之飾
唯修遠圖綏國之術祈勸力耕濟世之規是以政平刑偃紫階斯
廓太祖文皇帝恭已明臺之上聽政衢室之下九宮咸靜萬績惟
凝亦復務抑華詡思裁多太輿馬翠翟之麗眇登乎外禁瑤碧綺
組之玩罕設於內宮故大德立而五路謐鴻名建而四民寧者也
自頃政教日替敦厯月虧誰惟歷稔亦日淹紀至乃帝臺傾海外
之寶王城盡天下之祕象席珠履一躡而卽收鏤琴綵瑟再撫而

已損褻衣隨塵而罷羅袂從風而棄百民染其聲奢萬姓破其馳
蕩故闔閭之里富者竊梁楚之乘伎巧之家豪者襲王公之服於
是有文靡虛麗騎邪不典之器精纖空飾妙蠱非常之玩農夫勤
耨不充浮伎之資蠹女務織無給黠刻之費將恐去實就華未之
所屆昔源從流不識其止求國富兵強寧可得乎今江南所宅正
漢魏兩州之地戶口所檢裁文景三郡之民舊齊故魯鞠爲茂草
全趙盛魏豺狼所噪陛下方欲鳴鑾中土朝服濟河不改斯術則
未見其可也臣謬屬大任竊同憂泰日晏宵分實忘饑寢苗治其
莠職此爲先輒具條便宜可以安邦利民者事事如右率以聞見
謹簡聖聽若其咸允謹請敕付外施行

本集

讓太傅揚州牧表

崇絕之寵降白白日殊甚之禮墜於青雲祇畏驗盛若奪魂鑒巡
席無容當軒改色臣聞天地之大德曰生聖人之大寶曰位將以

啟廓靈緯崇樹神紀百司備列貴賤之分旣炳九官咸贊升降之
際可明故皇極不爽國步斯泰雖金鳩各政姬華異治未有革序
變倫而能流英發耀者也臣才慙右賢功愧上烈平趙夷魏之氣
無宣於國書濟河登山之威未亮於左史旣罕龍韜金匱之效又
乏楹間帷中之績衛主寧謂提橫流匡危不足生細民故小節時
顯於艱難大勳無紀乎廊廟而乘輅服冕荷蕭張之賞開城裂域
受馮鄧之爵不能翊敘緝政釐濟氓隱贊邦弘化飾整朝輝是以
德少寵多與人立規才薄位厚處士興議故玉燭未調道治猶鬱
者臣之爲媿也不悟陛下復停日月之華凝烟露之潤擢臣瑣姿
鑒臣陋誠前恩未曠後寵已襲上公祕鉞聲振都鄙文劍彫烏禮
殊軒殿深褒之逮方今爲絕大賚之降比古爲超臣亦何功當處
斯忝伏願道邈先帝理鏡眾寂被氣順方涵生獲慶特輟策書時
停鴻冊則人歌僉平物抱至歡

本集

蕭重讓揚州表

臣公言臣以功狹賞峻世誥所譎才弱寵隆道經所講故寫魂誓
膽庶畱天囑圖驕慮滿獲守私吝不能青蘋引風陽燧要景復降
綸冊徽采兼明影迹交戰水烟相薄竊聞周夏異章玄素各禮儒
道二宗名墨兩教咸以馭俗爲急僉以得人爲寶於是尊官上品
乃貽玉振之賢鴻等懋烈爲取金聲之彥或有濟世夷難之略輝
耀內岷導江疏山之勤纏結中寓深德衍溢大功振驚然後超居
國右鬱處朝端故九職惟宣六典式序丹青所以傳其藹磬琯所
以揚其音也臣才蔽識淺非集譽於鄉曲榮降寵臻乃假翼於皇
極遂事等話言之寄任鈞符負圖之重職總表裏地識機務位班
昔良知闕前修居官不聞其風處秩焉見其政寰域之治未緝街
縣之訟方興繒販之士無薦管庫之家寂寞四維不聞五教罕敷
安可以底慎財賦交正庶士者也今輟和毗道仄身贊業尙據晦